

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU  
BROJ: 65 0 St 782986 19 St  
Sarajevo, 30.08.2024. godine**

Općinski sud u Sarajevu, stečajni sudija Mirsada Karahmetović, u stečajnom postupku nad imovinom stečajnog dužnika DERJA D.O.O. SARAJEVO u stečaju (u daljem tekstu: stečajni dužnik), ulica Moševićka broj 14, Ilijaš, kojeg zastupa stečajni upravnik Obradović Jusuf (u daljem tekstu: stečajni upravnik), ulica Vilsonovo šetalište broj 10, Sarajevo, na prijedlog stečajnog upravnika, van ročišta dana 30.08.2024. godine donosi sljedeće

### **RJEŠENJE**

1. Zaključuje se stečajni postupak otvoren rješenjem ovog suda dana 14.11.2018. godine nad imovinom dužnika DERJA D.O.O. SARAJEVO – u stečaju ulica Moševićka broj 14, Ilijaš.
2. Ovo rješenje ima se objaviti u Službenim novinama Federacije BiH i oglasnoj tabli ovog suda.
3. Po pravomoćnosti ovog rješenja, isto se ima dostaviti Odjeljenju za registar ovog suda, kome se nalaže da izvrši brisanje stečajnog dužnika iz sudskog registra, koji je upisan pod MBS 65-01-0748-17.
4. Obavještavaju se stečajni dužnik, stečajni upravnik i članovi Odbora povjerilaca da pravne posljedice zaključenja stečajnog postupka nastupaju osam dana nakon objavljivanja ovog rješenja u Službenim novinama Federacije BiH.

### **OBRAZLOŽENJE**

Rješenjem ovoga suda od 16.02.2021. godine otvoren je stečajni postupak nad imovinom stečajnog dužnika, te je za stečajnog upravnika imenovano lice Obradović Jusuf.

Predmetnim rješenjem kojim je otvoren stečajni postupak pozvani su svi povjerioci stečajnog dužnika da u roku od 30 (trideset) dana, od dana objavljivanja Oglasa o otvaranju stečajnog postupka u "Službenim novinama Federacije Bosne i Hercegovine" prijave svoja potraživanja prema stečajnom dužniku sudu, u skladu sa odredbom člana 110. Zakona o stečajnom postupku Federacije Bosne i Hercegovine, kao i da u istom roku obavijeste stečajnog upravnika koja prava osiguranja potražuju na predmetima imovine stečajnog dužnika, na način naveden u odredbi člana 46. stav 2. Zakona o stečajnom postupku Federacije Bosne i Hercegovine<sup>1</sup> (u daljem tekstu: Zakon o stečajnom postupku).

U rješenju o otvaranju stečajnog postupka zakazano je ročište za ispitivanje prijave potraživanja, uz napomenu da će se nakon ispitnog ročišta, održati Skupština povjerilaca.

---

<sup>1</sup> "Službene novine Federacije Bosne i Hercegovine", broj: 29/03, 32/04, 42/06 i 52/18.

Predmetno rješenje (oglas) o otvaranju stečajnog postupka nad stečajnim dužnikom objavljeno je u Službenim novinama Federacije Bosne i Hercegovine (oglasni dio) broj: 17/2021 dana 03.03.2021. godine.

Na prvom ispitnom ročištu koje je održano dana 24.05.2021. godine, stečajni upravnik se očitovao u pogledu svih pristiglih prijava potraživanja i sačinjena je tabela koja predstavlja jedinstvenu tabelu sa svim podacima o ispitanim prijavama na ročištu održanom dana 24.05.2021. godine.

Stečajni upravnik je u svom izvještaju od 12.02.2024. godine i 29.08.2024. godine obrazložio da su pred Osnovnim sudom u Derventi, na prijedlog Ziraat bank -tražitelja izvršenja, ujedno i razlučnog povjerioca stečajnog dužnika, pokrenuti izvršni postupci na nekretninama koje su vlasništvo stečajnog dužnika i to nekretnini upisanoj u ZK ulošku broj 1003, politička opština KO Derventski lug, ZK ulošku broj 4, politička opština Derventa, KO Kuljenovci (katastarske čestice bliže opisane u podnesku stečajnog upravnika od 29.08.2024. godine), te da će se navedene nekretnine unovčavati u okviru izvršnog postupka koji se provodi pred Osnovnim sudom u Derventi.

Stečajni upravnik je dalje naveo da je saldo računa stečajnog dužnika otvorenog u ASA banci 2.002,50 KM, da su potraživanja banke za održavanje računa do 28.08.2024. godine u iznosu od 286,80 KM, a potraživanja knjigovodstvene agencije ACL Consulting d.o.o. Sarajevo za izradu godišnjih finansijskih izvještaja u iznosu od 460,00 KM, te da stečajnom upravniku nisu isplaćena sredstva za njegov rad.

Shodno tome, a kako su gore navedene nekretnine jedina imovina koja se vodi na imenu stečajnog dužnika, a na istoj postoji priznato razlučno pravo, koje će razlučni povjerioci ostvarivati u okviru izvršnog postupka, to je sud imajući u vidu odredbu člana 132. Zakona o stečajnom postupku, donio odluku kao u izreci.

Prilikom donošenja odluke, sud se vodio i činjenicom da faktički nema radnji koje bi trebao i mogao poduzimati u okviru stečajnog postupka, a troškovi stečajnog postupka se povećavaju protekom vremena, odnosno prolongiranjem stečajnog postupka, a isti se nemaju odakle finansirati.

Ukoliko, nakon namirenja razlučnih povjerilaca, u izvršnom postupku, ostane dio stečajne mase, ista će biti tretirana kao naknadno pronađena imovina, pa će se u tom smislu i izvršiti naknadna dioba u smislu člana 128. stav 1. tačka 3. Zakona o stečajnom postupku.

Stečajni upravnik nije razriješen te dužnosti i isti je dužan i dalje zastupati stečajnog dužnika a brisanje pravnog lica ili pak naknadna dioba, biće eventualno izvršena nakon okončanja izvršnog postupka.

**STEČAJNI SUDIJA**

**Mirsada Karahmetović**

**Pouka o pravnom lijeku:**

Protiv ovog rješenja, može se izjaviti žalba knatonalnom sudu u Sarajevu, u roku od 8 dana po proteku 2 radna dana od objave rješenja u službenom glasilu. Žalba se izjavljuje u tri primjerka putem ovog suda.